



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՅՈՒՆԻՔԻ ՄԱՐԶՊԵՏ

Ո Ր Ո Շ ՈՒ Մ

10 մարտի 2021 թվականի N 102-Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՅՈՒՆԻՔԻ ՄԱՐԶՊԵՏԱՐԱՆԻ ԶՈՐԱՀԱՎԱՔԱՅԻՆ ՄԱՐՄՆԻ ԿԱՆՈՆԱԴՐՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ

Ղեկավարվելով «Տարածքային կառավարման մասին» Հայաստանի Հանրապետության օրենքի 5-րդ հոդվածի 3-րդ մասով և 18-րդ հոդվածի 1-ին մասի 1-ին և 2-րդ կետերով, Հայաստանի Հանրապետության «Պաշտպանության մասին» օրենքի 11-րդ հոդվածի 2-րդ կետի 3-րդ ենթակետով և հիմք ընդունելով Հայաստանի Հանրապետության կառավարության 2020 թվականի նոյեմբերի 26-ի «Զորահավաքային մարմինների օրինակելի կանոնադրությունը հաստատելու և Հայաստանի Հանրապետության կառավարության 2002 թվականի մայիսի 20-ի N591 որոշումն ուժը կորցրած ճանաչելու մասին» N1880-Լ որոշումը,

որոշում եմ.

1. Հաստատել՝ Հայաստանի Հանրապետության Սյունիքի մարզպետարանի զորահավաքային մարմնի կանոնադրությունը՝ համաձայն հավելված N1-ի:
2. Սույն որոշումն ուժի մեջ է մտնում ստորագրման պահից:


10.03.2021


ՄԵԼԻՔՍԵԹ ՊՈԴՈՍՅԱՆ

Подписано: POGHOSYAN MELIKSET 4108600096

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՍՅՈՒՆԻՔԻ ՄԱՐԶՊԵՏ

Մ. ՊՈԴՈՍՅԱՆ





Հավելված

ՀՀ Սյունիքի մարզպետի
2021 թվականի մարտի 10-ի
- Ա որոշման

ԿԱՆՈՆԱԴՐՈՒԹՅՈՒՆ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՅՈՒՆԻՔԻ ՄԱՐԶՊԵՏԱՐԱՆԻ ԶՈՐԱՀԱՎԱՔԱՅԻՆ ՄԱՐՄՆԻ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կանոնադրությամբ (այսուհետ՝ կանոնադրություն) կարգավորվում են ՀՀ Սյունիքի մարզպետարանի (այսուհետ՝ մարզպետարան) զորահավաքային մարմնի խնդիրների, գործունեության, ղեկավարման և ենթակայության, իրավունքների և պարտականությունների հետ կապված հարաբերությունները:

2. Զորահավաքային մարմինը ստեղծվում է մարզպետարանում:

3. Զորահավաքային մարմնի կառուցվածքը և կազմը որոշվում է՝ հաշվի առնելով խաղաղ ժամանակ և Հայաստանի Հանրապետության վրա զինված հարձակման կամ դրա անմիջական վտանգի առկայության կամ ռազմական գործողությունների պայմաններում մարզպետարանին վերապահված գործառնությունների բնույթից և ծավալից: Մարզպետարանում զորահավաքային մարմինը գործում է մարզպետարանի առանձին կառուցվածքային ստորաբաժանման՝ զորահավաքային նախապատրաստության բաժնի (այսուհետ՝ բաժին) տեսքով:

II. ԶՈՐԱՀԱՎԱՔԱՅԻՆ ՄԱՐՄՆԻ ԽՆԴԻՐՆԵՐԸ ԵՎ ԳՈՐԾԱՌՈՒՅԹՆԵՐԸ

4. Զորահավաքային մարմնի գործունեությունն ուղղված է ապահովելու խաղաղ ժամանակ և Հայաստանի Հանրապետության վրա զինված հարձակման կամ դրա անմիջական վտանգի առկայության կամ ռազմական գործողությունների պայմաններում մարզպետարանին վերապահված լիազորությունների իրագործման և համապատասխան կազմակերպությունների պարտականությունների արդյունավետ կատարումը:

5. Զորահավաքային մարմնի խնդիրներն են՝

- 1) մարզպետարանի զորահավաքային նախապատրաստության ապահովման կազմակերպումը,
- 2) զորահավաքային պլանների համաձայն՝ զորահավաքի ժամանակ զինված ուժերի և այլ զորքերի համալրումն ու նյութատեխնիկական ապահովման կազմակերպումը.
- 3) մարզպետարանի գործունեությունը ռազմական դրության աշխատանքային ռեժիմի փոխադրմանն օժանդակումը:

6. Խաղաղ ժամանակ և Հայաստանի Հանրապետության վրա զինված հարձակման կամ դրա անմիջական վտանգի առկայության կամ ռազմական գործողությունների պայմաններում, զորահավաքային մարմնի խնդիրներից բխող գործառույթների շրջանակում՝

1) մարզպետարանի զորահավաքային մարմինն իրականացնում է՝

ա. մարզպետարանի մակարդակում պաշտպանության ոլորտում Հայաստանի Հանրապետության կառավարության քաղաքականության իրագործման գործընթացում մարմնի գործունեությանն աջակցությունը,

բ. մարզպետարանի գործունեությունը ռազմական դրության աշխատանքային ռեժիմի փոխադրման, զորահավաքային և քաղաքացիական պաշտպանության պլանների մշակման աշխատանքների մեթոդական, տեղեկատվական և կազմակերպական աջակցությունը և մասնակցությունն այդ պլանների իրագործմանը,

գ. զորահավաքային նախապատրաստության շրջանակներում կազմակերպվող ուսումնավարժական հավաքներին և պարապմունքներին մարզպետարանի մասնակցության նախապատրաստության ապահովումը,

դ. մարզպետարանի կողմից պաշտպանության նպատակով մարզի վարչական տարածքի և հաղորդակցության ուղիների նախապատրաստման միջոցառումների կատարման ու զինված ուժերի զորահավաքային ծավալմանն աջակցության ապահովման գործընթացին մասնակցությունը,

ե. մարզպետարանի կողմից մարզի վարչական տարածքի օպերատիվ սարքավորմանը մասնակցության ու դրա իրագործմանն օժանդակման գործընթացին աջակցությունը,

զ. մարզպետարանում աշխատող պահեստազորայինների ամրագրման աշխատանքների ապահովումը, նրանց զինվորական հաշվառման, պահեստազորային պատրաստության միջոցառումներին և զորահավաքային զորակոչին ներգրավման ուղղությամբ անհրաժեշտ աշխատանքները զինվորական հաշվառում իրականացնող մարմինների հետ,

է. «Պաշտպանության մասին», «Ռազմական դրության իրավական ռեժիմի մասին» և «Քաղաքացիական պաշտպանության մասին» Հայաստանի Հանրապետության օրենքներով, դրանցից բխող նորմատիվ իրավական ակտերով մարզպետարանի համար սահմանված այլ միջոցառումների իրականացման ապահովումը:

III. ԶՈՐԱՀԱՎԱՔԱՅԻՆ ՄԱՐՄՆԻ ԳՈՐԾՈՒՆԵՈՒԹՅԱՆ ԿԱՐԳԸ

7. Զորահավաքային մարմինն իր գործունեության ընթացքում ղեկավարվում է Սահմանադրությամբ, օրենքներով, նորմատիվ իրավական այլ ակտերով և մարզպետարանի գործունեությունը ռազմական դրության աշխատանքային ռեժիմների փոխադրման ներքին պլանով:

8. Ջորահավաքային մարմինն իր գործունեությունն իրականացնում է իր կանոնադրության և այդ մարմնում պաշտոն զբաղեցնող անձանց պաշտոնների անձնագրերի համաձայն:

9. Մարզպետարանն ապահովում է զորահավաքային մարմնի գործունեության համար անհրաժեշտ աշխատանքային պայմաններով, պետական և ծառայողական գաղտնիքին առնչվելու թույլտվության համապատասխան ձևերով:

10. Ջորահավաքային մարմնի ղեկավարի բացակայության դեպքում նրան փոխարինում է ՀՀ Սյունիքի մարզպետի որոշմամբ նշանակված պաշտոնատար անձը:

IV. ԶՈՐԱՀԱՎԱՔԱՅԻՆ ՄԱՐՄՆԻ ԵՆԹԱԿԱՅՈՒԹՅՈՒՆԸ

11. Ջորահավաքային մարմինը ղեկավարում է զորահավաքային մարմնի ղեկավարը:

12. Մարզպետարանի զորահավաքային մարմինը գործում է մարզպետարանի զորահավաքային նախապատրաստության բաժնի պետի և մարզպետի ենթակայությամբ:

13. Մարզպետարանի զորահավաքային մարմնի ղեկավարը հաշվետու է մարզպետին:

V. ԶՈՐԱՀԱՎԱՔԱՅԻՆ ՄԱՐՄՆԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

14. Ջորահավաքային մարմնի իրավունքներն են՝

1) զորահավաքային մարմնին վերապահված խնդիրների և գործառույթների իրականացման առնչությամբ կազմակերպել քննարկումներ, հրավիրել խորհրդակցություններ, ըստ անհրաժեշտության դրանց մասնակից դարձնելով մարզպետարանի պաշտոնատար անձանց, մասնագետների և փորձագետների, աշխատանքների արդյունքներից ելնելով՝ վերադաս մարմնի ղեկավարին՝ մարզպետին՝ ներկայացնել առաջարկություններ,

2) մարզպետի համաձայնությամբ հանդես գալ միջգերատեսչական կամ փոխգործակցային մակարդակում՝ որպես մարմնի ներկայացուցիչ,

3) առաջարկություններ ներկայացնել զորահավաքային նախապատրաստության և զորահավաքի աշխատանքների կատարելագործման վերաբերյալ,

4) խաղաղ և ռազմական դրության ժամանակ օրենքով սահմանված կարգով վերահսկել մարմնին ենթակա մարմինների, ստորաբաժանումների զորահավաքային նախապատրաստության, քաղաքացիական պաշտպանության, ինչպես նաև համակարգման ոլորտում գտնվող՝ ռազմական դրության աշխատանքային ռեժիմի պայմաններում զորահավաքային առաջադրանք կատարող կազմակերպությունների՝ զորահավաքային պատվերների կատարման պայմանագրերով նախատեսված զորահավաքային միջոցառումների կատարման աշխատանքները,

5) իր իրավասությունների սահմաններում համակարգել զորահավաքային նախապատրաստության և զորահավաքի հետ կապված միջոցառումները:

15. Ջորահավաքային մարմնի պարտականություններն են՝ մարզպետարանում սույն կանոնադրության 6-րդ կետի 1-ին ենթակետով սահմանված խնդիրների և դրանցից բխող գործառույթների իրականացումը:

16. Ջորահավաքային մարմնի ղեկավարը պատասխանատու է զորահավաքային մարմնի առջև դրված խնդիրների և դրանցից բխող գործառույթների իրականացման համար: